

名賢傳

沔陽志十七

宋張徹景陵人故志稱其七持使節八割郡符公清超邁計口受俸其遺表云神雖去幹忠不怠君兄徽見逸士傳

張迪景陵人元豐間舉進士累官諫議大夫有爭臣風烈

陳嘉言景陵人爲郡學諭文行爲鄉里所推卒死開禧之難語在死事傳

祝松景陵人舉進士初調長水簿端平初以城志十七

名賢傳

一

誓死守古郢遺民立祠祀之

史氏曰四公皆沔之望也然莫能覈其詳矣文獻之亡也嗟乎公清風烈伏節誓死如四公者風式郡邑多矣何俟於詳

皇朝歐陽謙字伯益沔陽人本文忠公後洪武中舉明經授耀州學正擢監察御史永樂中谷庶人謀反謙受

密詔往伺之迺託言罷官挈家南歸雖妻孥莫之知也還家賦詩皆作山林語半生琴劍歷天涯解組歸來髮

向華臣職幾何能報國 君恩萬一賜還家滄
洲鷗鷺盟猶在綠野桑榆色正嘉堪恨故交零
落盡垂楊到處噪昏鴉又文章館閣青藜冷詩
酒江湖白髮新又風月謾矜雙眼豁江湖不厭
多一漁會歲侵謙因野服具舟隨商賈糴粟長沙
時庶人謀益甚悉召諸巫禱祠謙復變形為祝
雜作府中具得其狀迺急挈舟行一日馳六傳
比覺追之已無及矣既報

命因出師移之庶人赴火死改編修轉考功郎
中卒于官謙優于文學所著有滄浪集正德中
李知州濂始祠之鄉賢云

志十七

名賢傳

二

史氏曰謙長沙之行脫簪易服潛弭禍亂其幾
密矣位不究才賞不酬功君子惜之

虞信字尚忱沔陽人末樂中以歲貢拜監察御
史立朝有直聲擢四川按察副使先是蜀有悍
民為鄉邑患當道皆莫敢發信首除之人服其
剛遷山東按察使九年吏畏民懷終河南右布
政使卒于家信性亢直人不敢干以私在山東
有屬吏犯法以金研遺其子信覺繫其子上之
朝因付信自治信竟撲殺其子

史氏曰晉金日殫殺兒史稱其忠信非是之類也夫持法者我也子奚與焉且受金罪不應死迺竟殺之與撓法何異雖然可以勵貪濁矣

劉琢字玉相沔陽人永樂癸未鄉貢授葉縣訓導遷陳留教諭國子助教加翰林檢討仍領助教事後致仕琢在陳留施教有方祀于名宦子深字資之正統己未進士除知江西寧縣後改四川崇寧深剛勁少容在崇寧有幕官忤深深手殺之坐累免官屏居山澤鄉閭敬憚郡守數

志十七

名賢傳

三

請始一至城府

吳璿字文璣沔陽人天順壬午鄉貢璿勵志好學時有先登者有司表其坊璿三年不踐其地竟舉第一後除河南彰德府同知以足疾乞歸性簡靜杜門謝事鄉人稱之卒年七十餘

劉鈺字世美沔陽人父弦隸戎天津生鈺登成化丙戌進士改翰林庶吉士授戶部主事嘗督課九江防檢甚嚴羨餘悉貯府庫尋守常州廉明勤慎吏民敬憚豪右犯法至自經不敢見母

喪幾無日爲殮服除改守處州未幾父卒鈺感疾亦卒鈺剛介自持所歷嚴肅歸自常民有追送者以二瓜爲餉剖之乃金百餘急還而遣之毘陵至今祠祀焉性孝愛每之官必奉親以行且挈雙棺自隨人稱之孝廉云卒塋沔陽邵福字錫之沔陽人景泰丙子鄉貢授濟南通判補任蘇州遷杭州府同知福富文翰善談論歷官俱以能稱

吳惟學字子勤副使欽子也正德己卯鄉貢除

志十七

名賢傳

四

郊縣教諭復除英山未幾卒惟學直諒端謹見推士類事毋以孝聞提學副使張公邦奇舉楚士有學行者七人惟學與焉在英山勤於訓迪人士敬服既還塋會當道褒獎邑人歸其檄於家

史氏曰琢璿出典政教亡忝師牧解組林居養恬甘約可謂善士矣深太剛而折頗乖中道然挫衄之餘方嚴愈勵亦經德不回之士也鈺摧重賦典巨郡而不汗挈棺奉親而不以爲嫌謂

之孝廉信哉惟學余之益友阨於時命悲夫
黃鍾字景陽景陵人永樂辛卯鄉貢除知四川
崇慶州改知山東武定時州方變故鍾面奉
宣廟聖諭馳驛至州州賴安靖三年復
命未幾卒于官

李慶字積善景陵人正統九年以歲薦除建昌
府同知同官治財者慮愆期致罪追索甚急慶
爲緩期民悅之卒輸納無敢後以父憂去民追
送出境而返改南京戶部郎中調禮部儀制宿

志十七

名賢傳

五

弊頓革遷浙江鹽運使司運使嚴簿書絕請謁
有持券請鹽者按歲月先後給之二年歲課三
倍尋乞歸卒於舟慶廉介自守其爲運使布衣
蔬食處之澹然歷官幾二十年所居茅屋數椽
田園不增尺寸歿之日妻子無以爲喪邑人至
今稱之

史氏曰余嘗讀何尚書喬新所爲銘謂慶之在
浙或譏其處脂膏中不能自潤慶自若也信哉
其廉士也夫

廖訓字尚裕景陵人景泰庚午鄉貢除河南汝州訓導遷江西德化教諭改四川新寧又改河南鄆陵致仕家居鄉人重其方正高潔年九十卒

何玘字光弼成化庚子鄉貢除四川合江教諭秩滿乞致仕時年四十五玘博學能文邑人稱爲東湖先生

郭軒字文載成化庚子鄉貢除河南盧氏教諭以師道日任多所造就遷福建連江知縣與丞

志十七

名賢傳

一六

不合軒卒于官丞制之不得發縣諸生為扶柩而出軒以剛正見重士類諸生顯者過縣必往拜其墓

楊清字一廉景陵人弘治中以歲薦除知江西貴溪縣平生耿介邑人稱之

史氏曰景陵之賢自李運使而後無如數公皆邑人所誦說嚮慕者其後迺獨有魯文恪公魯鐸字振之景陵人弱冠遊邑庠提學副使薛綱愛其文由是知名全楚弘治壬戌舉禮部第

一擢進士高第改翰林庶吉士少師李文正公東陽雅重之授編修預修

孝宗實錄

武宗卽阼詔諭安南鐸充正使

賜一品服以行比至宣布威德正其儀禮諸所餽遺悉卻之交人稱嘆遷國子司業進南京祭酒尋改北京鐸屢歷成均其教主於理道不屑章句南北士多所造就尤持清操湔宿弊摺紳歆仰之屢謝病歸至是復得告迺闢園亭蒔花

志十七

名賢傳

七

木屏跡深居爲投老計嘉靖初刑部尚書林俊上疏謂經師易得人師難得鐸約質渾晦志尚清純道足以鎮雅黜浮學足以訂頑立懦方今釐革庶弊正育賢成德振作士風之時况魯鐸與謝鐸人品爲類謝鐸以祭酒養病

孝宗用吏部薦進禮部侍郎掌祭酒事起之於家遣官以速其行重道尊師頌美有作

陛下今日處魯鐸如謝鐸則今日之頌美

陛下將亦同

孝宗矣一時撫巡諸臣暨兩都臺諫交疏論薦先後以十數皆謂鐸德器溫粹問學淵源植德毅簡宅心廉直莊重渾厚之文可呂華王言淳懿端恪之行可呂式鄉俗於是推鄉佐者五皆莫之應年六十七卒撫巡諸臣以卹典請

詔諭祭一壇賜謚文恪仍令有司營葬鐸性恬退器量深閎文章節槩見推天下家居以身率物嘗作俗言以勸鄉人有巨盜起掠民馬牛或給爲鐸物必釋之其感化如此所著有蓮北使

志十七

名賢傳

八

交東西廂已有園諸藁若干卷藏于家

史氏曰鐸才本華國器重台輔東岡之詩何其壯也及官近從師成均道化弘流風節宣著而迺辭藝耽寂養素守恬明諛利之防嚴止足之戒謂之恪非歟叙嘗狀其行曰功不及康濟而休風令節激昂貪鄙位不及卿相而榮名重望傾動朝野年不及期頤而清德粹言垂式後昆究其所被不在尺寸間矣

先中憲遺事

童之先隨人元季徙家于沔一傳而有照磨公

愈三傳而有承德公鈞訓導公錦四傳而有先

中憲公旭五傳而有叙承德公樂善喜施孝友

純篤人無長少咸敬憚之卒年八十有三先中

憲公字賓賜號東谷弘治壬子鄉貢登己未進

士除知上高三月而芝生訓導黃雲有記被薦者三家見

乘後列于名宦御史熊相有傳六年遷戶部主事員外

郎中領諸司章奏正德辛未兩河盜起

朝廷出師討之奉

毫

叢簿

九

勅督理河南江北直隸糧儲開封知府顧璘有序被薦者

再侍郎楊潭黃珂俱有疏以功擢知兗州府加從三品俸

仍賜寶鏹銀牌尚書王瓊祭酒魯鐸郎中魏廷楫俱有序有建鄉賢

名宦祠少師李東陽有記建滋陽縣學尚書邵寶有記城闕里

少師費宏有記分祿養親少師李東陽有雙壽序禱雨雪輒應訓導

余信有記被薦者五見家乘四年以忤魯藩被逮至

京撫按力白有疏調桂林尚書劉龍有序又三年而歸未幾卒

年五十有八少師費宏墓志銘

史氏曰先君子敷歷二十有餘年自登第與謝

政家居不過十年其行事之實多見於名公卿大夫之撰述與鄉長老之稱許叙不敢贅也附之名賢以俟君子采焉

贊曰英賢雋德佩藻握芳道誼純絜功烈恢張典刑後來俎豆江鄉景行思齊沔漢流光

志七

名賢傳

十

名賢傳

逸士傳

東漢漢濱老父者不知何許人桓帝延熹中幸
竟陵過雲夢臨沔水百姓莫不觀者有老父獨
耕不輟尚書郎南陽張溫異之使問曰人皆來
觀老父獨不輟何也老父笑而不對溫下道百
步自與言老父曰我野人耳不達斯語請問天
下亂而立天子耶理而立天子邪立天子以父
天下邪役天下以奉天子耶昔聖王宰世茅茨
采椽而萬人以寧今子之君勞人自縱逸遊無
志七

逸士傳

一

忌吾為子羞之子何忍欲人觀之乎溫大慙問
其姓名不告而去

史氏曰昔接輿放歌目為楚狂今老父獨耕漢
筮不觀乘輿其荅溫言辭旨簡要推其道也雖
堯舜何加焉狂也非其儔矣是時政移五倖刑
淫三獄漢家之業索然愈衰尚志之士莫不卷
迹山林甘心雲壑如老父者非其人耶使溫致
敬如孔子之於漁父也其言必有進於此者溫
徒能慙而不能問也而使謹言不盡姓名俱逸

惜哉

唐陸羽字鴻漸一名疾字季疵復州竟陵人不
知所生或言有僧晨起聞湖傍群鴈喧集以翼
覆一嬰兒遂收畜之既長以易自筮得蹇之漸
曰鴻漸于陸其羽可用爲儀乃以陸爲氏名而
字之幼時其師教以旁行書荅曰終鮮兄弟而
絕後嗣得爲孝乎師怒使執糞除圻填以苦之
又使牧牛三十羽潛以竹畫牛背爲字得張衡
兩都賦不能讀危坐劾群兒囁嚅若成誦狀師

志七

陸傳

二

拘之令薙草莽當其記文字懵懵若有遺過日
不作主者鞭苦因歎曰歲月往矣柰何不知書
嗚咽不自勝因亡去匿爲優人作詼諧數千言
天寶中州人酺吏署羽伶師太守李齊物見異
之授以書遂廬火門山貌侏陋口吃而辯聞人
善若在已見有過者規切至忤人朋友燕處意
有所行輒去人疑其多嗔與人期雨雪虎狼不
避也上元初更隱苕溪自稱桑苎翁又號竟陵
子東園先生東岡子闔門著書或獨行野中誦

詩擊木裴回不得意或慟哭而歸故時謂今接
輿也久之詔拜羽太子文學徒太常寺太祝不
就職貞元末卒羽嗜茶著經三篇言茶之原之
法之具尤備天下益知飲茶矣時鬻茶者至陶
羽形置煬突間祀為茶神有常伯熊者因羽論
復廣著茶之功御史大夫李季卿宣慰江南次
臨淮知伯熊善煮茶召之伯熊執器前季卿為
再舉杯至江南又有薦羽者召之羽衣野服挈
具而入季卿不為禮羽愧之更著毀茶論其後

志十七

逸士傳

三

尚茶成風時回紇入朝始驅馬市茶

唐江州刺史張又新

煎茶水記元和九年春予初成名與同年生期
于薦福寺余與李德垂先至憩西廂玄鑿室會
適有楚僧至置囊有數緇書余偶抽一通覽焉
文細密皆雜記卷末又一題云煮茶記云代宗
朝李季卿刺湖州至維揚逢陸處士鴻漸李素
熟陸名有傾蓋之懽因之赴郡抵揚子驛將會
李曰陸君善于茶蓋天下聞名矣况揚子南零
水又殊絕今日二妙千載一遇可曠之手命軍
士謹信者挈瓶操舟深詣南零陸利器以俟之
似臨岸之水使曰其權舟深入見者累百敢虛
給乎陸不言既而傾諸盆至半陸遽止之又以
杓揚之曰自此南零者矣使蹶然大駭馳下曰
某自南零齋至此岸舟蕩覆半懼其鈔挹岸水增
之處士之鑒神鑒也其取隱焉李與賓從數十
人皆大駭愕李因問陸既如是所經歷處之水

優劣精可判矣陸曰楚水第一晉水最下李因
命筆口授而次第之凡二十水且曰此皆余嘗
試之非係茶之精粗過此不之知也夫茶烹於
所產處無不佳也蓋水土之宜離其處水功其
半然善煮茶器全其功也李真諸哥馬遇有言
茶者即示之宋歐陽修大明水記世傳陸羽茶
經其論水云山水上江水次井水下水又云山
乳泉石池漫流者上瀑湧湍瀨勿食食久令人
有頸疾江水取去人遠者井取汲多者其說止
此而未嘗品第天下之水味也至張又新為煎
茶水記始云劉伯芻謂水之宜茶者有七等又
載羽為李季卿論水次第有二十種今考二說
與羽茶經皆不合羽謂山水上而乳泉石池又
上江江水次而井水下伯芻以揚子江為第一惠
山石泉為第二虎丘石井為第三丹陽寺井為
第四揚州大明寺井第五而松江第六淮水第
七與羽說皆相反羽所說二蘄州蘭溪石下水
水第一無錫惠山石泉第二蘄州蘭溪石下水

李七

逸士傳

四

第三峽州扇子峽蝦蟆口水第四虎丘寺石泉
第五廬山招賢寺下方橋潭水第六揚子江
零水第七洪州西山瀑布水第八桐柏淮源第
九廬州龍池山頂水第十丹陽觀音寺井第十
一揚州大明寺井第十二漢江金州中零水第
十三歸州玉虛洞香溪水第十四商州武關西
洛水第十五松陵灘水第十六天台千丈瀑布
州圓泉十八嚴陵灘水十九雪水二十如蝦蟆
口而水生疾其餘江天台千丈瀑布皆羽戒人
皆與茶經相反疑羽不當二說以自異使誠羽
說何足信也得非又新妄附益之取其述羽辨
南零岸水特恠其妄也山水味有美惡而巳欲
舉天下之水一而次之者妄說也故其為
說前後不同如此然羽之論水惡淳浸而喜泉
源故井取及多者江雖長流然衆水雜聚故
山水惟此說近物理云又浮槎山水記載劉伯
茶經愛陸羽善言水後得張又新水記載劉伯

芻李季卿所列水次第以為得之於羽然以茶
經考之皆不合又新妄在險譎之士其言難信
頗疑非羽之說及得浮槎山山水然後益知其味
知水者浮槎與龍池山皆在廬州界中較其味
不及浮槎遠甚而又新所記以龍池為第十浮
槎之水棄而不錄以此知其所以失多矣羽則不
然其論曰山水上江次之井為下山水乳泉石
池漫流者上其言雖簡而於論水盡矣叙按歐
陽公以又新所記與羽茶經不合然所記季
卿事又與羽本傳不合也今姑存之以俟考
唐皇甫冉送羽赴越行隨新桓深夢隔重江
遙遞風日間蒼茫洲渚晚皇甫曾送羽採茶千
峯待逋客香茗復叢生採摘知深處煙霞羨獨
行幽期山寺遠野飲石泉清寂寂燃燈夜相思
聲一磬

史氏曰余嘗過竟陵憩羽故寺訪鴈橋觀茶井

李七

逸傳

五

慨然想見其為人夫羽少厭髭緇篤嗜墳素本
非忘世者卒迺寄號桑苧遁跡茗雪嘯歌獨行
繼以痛哭其意必有所在時迺比之接輿豈知
羽者哉至其性甘茗薺味辨淄澠清風雅趣膾
炙今古張顛之於酒也昌黎以為有所託而逃
羽亦以是夫

宋張徽景陵人按故志以詩名世所著有滄浪
集司馬光范純仁皆與之文善

元徐勝祖郡人按元史居喪廬墓

皇朝鄧禴字一誠郡人永樂癸卯鄉貢故志稱其恬退不仕

蔡輅郡人居鄉不苟訓迪生徒能吟咏鍾知州順林學正惟盛常禮之數與倡和其子允恭孫綬皆膺歲薦

周台沙口人在鄉間以善稱未嘗輒至公府家居讀書手不釋卷徐知州咸請與賓席李知州濂扁其名於旌善亭

史氏曰徽之行莫之詳也然交稔於馬范之賢率七

逸傳

六

徽可知矣勝祖禴皆因之史志不敢飾焉者懼誣也輅台余所親聞見頃王學正瑩始表之要皆鄉之善士故附著云

贊曰漢濱獨耕鑿輿旋軫矯矯桑苎託跡莽茗徽富篇韻鴻儒交稔澤游巖棲鳳逝龍隱

逸士傳

僑寓傳

元趙吉甫其先居蜀徙居玉沙與魯齋許衡友善衡至武昌首問吉甫謂人曰吉甫天資高衡

一着則其人可知矣自號拙存以文學名于世
皇朝易從虎字炳文其先隆中人徙家南漳父
友旺終葬鳳凰山因廬于墓側里人異之多遣
子弟從之遊呼曰易孝子後避兵寓沔陽家焉
叙按張襍從虎廬墓記其事在南漳鳳凰山故
志皆云隨父至沔因謂廬墓于沔非也戴用瑞
蓮記炳文家沔陽孔廟後結茅數椽扁曰孝子
堂前有池半畝蓮一本二花人以為純孝所感
未復謂文運將興君子彙征之兆蓋不以為易
瑞也近王學正登學志亦云光明年鼎建之祥
蓋國初丁未學產瑞蓮明年戊申創學正德
癸酉復產明年又復改建其兆甚明且炳文廬
墓于南漳不宜致瑞於沔也叙
故辨之非抑炳文懼失實耳

志十七

僑寓傳

七

史氏曰夫炳文之孝常行也而夫人咸異之至
指池蓮以為瑞可以觀人心之同矣然炳文徙
居而以孝子扁堂又以廬墓形之上分司之詩
將自以是為非常事哉

錢朝陽浙江人號老樵寓沔陽優於問學有詩
集官至饒州知府子塘幼號神童仕終給事中
潘子安和州人寓沔陽工詩詞有海天清嘯集
行于世官至夔州府同知

吳欽仁和人隸籍京師舉進士歷刑部郎中評

獄詳慎多所滯雪弘治中有迎

駕籲寬者詞引千數輦欽鞠其不辜者悉縱之
人以為平又嘗奉

勅賑饑慶陽全活甚眾後遷湖廣副使督理屯
田奪豪右侵地甚眾在任五年增賦十萬尋以
病解職貧不能歸因家于沔杜門謝事數年終
史氏曰君子之至於斯也邦人之觀望繫焉惜
也沔無嘉山水無以枉致賢躅可紀者僅此爾

故志流寓又云張橫渠嘗過郢涉沔有僧捫其
琴橫渠曰琴不祥矣遂棄之水叙按沔乃漢水

志十七

僑寓傳

八

通名且橫渠過郢未
嘗至沔也故不敢書

贊曰逶迤江鄉冠蓋罕集雍容數賢於焉棲跡
景行方來作賓斯邑

僑寓傳

孝義傳

元徐勝祖沔陽人史稱其居喪廬墓

皇明呂中字子正景陵人呂辟舉授四川布政司照磨性至孝父蚤喪奉母甚謹每夙興必正衣冠四拜毋亾廬於墓側朝夕號哭三年乃歸中居官有聲宣德間上疏請免縣民歲造弓矢三之一以蘇民力邑人德之

元翟氏景陵張楚材妻夫卒時年二十守節終身至正間旌其門

志十七

孝義傳

一一

王氏景陵吳伯璋妻夫卒時年二十守節終身至正間旌其門

皇明熊氏沔陽袁子傑妻夫卒年僅二十有四守節終身有司以聞詔旌其門

王氏沔陽軍人馬把攬妻夫從軍亾時王年二十有五貧苦無依守節至死永樂間事聞詔旌其門

任氏吳副使欽母也少歸武林吳景景歿任年止二十有五嫺黨憫其少欲奪其志輒號泣不

會誓呂死守躬自訓子十歲猶不令出戶姑患
痿痺即與同寢處左右抱持夜每焚香籲天乞
以身代姑復嘔吐每舉盃呂俟或不及呂手奉
之姑歿竟蔬食不茹葷比葬得白兔二人呂爲
孝感所致弘治戊申有司以聞詔以節孝旌其
門後呂子貴封太安人年八十三終葬沔陽

費氏沔陽丘思賢妻思賢卒時年二十有五守
節年八十有四終知州咸復其家

李氏丘容妻費之婦也容卒年十有九遺腹生
志十七

孝義傳

二

子富終身誓死無他志姑婦並呂清節相繼後
先

朱氏沔陽左祥妻夫卒年十有九守節終身

石氏左祐妻祐祥弟也卒時石年十有八子宣
生甫三月守節至老持行端莊左氏二婦並呂
節聞四婦俱揭名旌善亭正德初部使采焉

王氏景陵蕭政妻年十九夫死無子守節獨與
一老嫗朝夕紡績自給金盞寥落處之裕如邑
有巨姓而鰥聞其賢固請之屹不爲動自是人

無敢復言壽七十八終弘治中知縣周端咨訪其節將聞之朝未果鄉人至今惜之

史氏曰夫孝丈夫之順德也能致其誠而已夫義女子之貞行也能致其潔而已故執一術而百善至百邪去者其惟孝義乎廬於墓非制也而勝祖中並呂是稱非呂其篤於天性發於純誠邪至於諸姬時遭艱阻志乖好合而乃執節死義卒與霜雪同皎松筠等操雖丈夫之烈何加焉於乎爲人子爲人婦者可以觀矣

志十七

孝義傳

三

贊曰天經人紀維義與孝臨喪致戚處難申要結廬松楸截髮壺奧蓼莪同悲栢舟比操

孝義傳